

湖南府縣志輯

中國地方志集成

康熙永州府志



K796.4
10
29

中國地方志集成

湖南府縣志輯 ④②

康熙
永州府志

江蘇古籍出版社●上海書店●巴蜀書社

修永州府志序

永陽蓋南楚之一大都會也

踞水陸之衝當楚粵之要遙

控百蠻橫接五嶺梅庾綿亘

於其前衡岳鎮臨於其後瀟

永州府志

府序

一

湘之水南北匯流九疑諸山

左右環列若使盡地之利則

樵漁耕植萬家之生聚爲宜

阻水負山八邑之巖疆可守

周秦以來列於荒服者蓋以

徵發期會每多遠阻也漢晉

之後繁華殷阜居然都雅矣

而世遠人遐亦無庸深攷第

自我

熙朝定鼎至今垂五十餘年始

永州府志

府序

二

則賊獻倡亂繼而定國阻兵

西山之役奔走未遑滇逆之

興瘡痍尤甚自甲申以迄甲

寅三十年間屢經兵燹焉幸

際

御宇加意撫綏耕桑之業
俱已安集鴻雁復歌於中澤
而絃誦日盛於黨庠矣庚午
春予奉

簡命來守是郡察厥土之剛柔求

永州府志

府序

三

教養之緩急而遺文故老已
邈莫可問爰與同郡僚米搜
剔舊文共相叅訂刪繁增要
勒成一書復勸剏凡三易
寒暑方克竣王大抵永之所

屬如祁東則田少而戶多其
民率挾貲而走四方從事於
貿遷者居半故狡獪日甚而
樸茂之風蕩然若永江則界
連富賀有可耕之地而獠獞

永州府志

府序

四

時警高山菁林防禦殊難焉
寧遠爲春陵故地而新田又
屬寧遠分隸之鄉接壤崗寨
習於鬪狠急之則入山而爲
獠緩之則出山而游食零陵

附郭稍知自好道州淳慤有
周子之遺風習尚之不同守
土者所宜畱意也故墳壤黎
赤賦田高下著於禹貢簡銘
龜魚男女畜擾見之職方古

永州府志

府序

五

之人無非因天之經順地之
利知民俗淳漓奢儉之故而
因革損益之然則郡邑之志
謂非圖治之首務歟邇者

天子方右文偃武開東閣命儒

臣網羅百代以光文治而

秉節諸大臣又復宣揚教化
惠養羣黎予將以是書進之
采風者之側使知荒服之地
爲都會要衝政教之餘撫循

永州府志

府序

六

尤急他日者優渥

雅化吾知必有明珠大貝如藥
令思杜門著述如李季芳輩
其人出而光贊

皇猷者以爲斯郡倡是予之所深

願也夫

告

大清康熙三十三年歲次甲戌

夏五月之吉


中憲大夫知湖廣永州府事

永州府志

府序

七

加三級蓋平姜承基撰



永州府志序

夫畫疆分理盛治之常經

懷土樂生庶民之恒性所

以古來聖君賢相則壤定

永州府志 序

一

賦張官置吏設爲禮樂法

度以董戒而勸興之凡以

爲民也禹貢列其山川鎮

澤辨墳壚青赤泥塗之異

以制田賦高下之則至于
篠簜橘柚箇簠菁茅之微
亦舉而載于簡策周禮辨
方正位體國經野大司徒
掌邦教職方氏掌輿圖外
史小史領邦國四方之志
稽民物蓄植之宜而多男
少女多女少男雖閭里瑣

屑之事皆于是乎書班氏
諸地里詳古今沿革與民
風生業飲食俗尚使觀者
有考焉此志之所由昉也
我
國家治化翔洽聲教四訖含
哺鼓腹共樂
堯天至于海隅日出之鄉自昔

不通朝貢莫不砥屬開爲

郡縣並入版圖

皇上至德大功高出三代追駕

唐虞之際矣康熙八年

永州府志

序

四

詔天下各修志書復

命儒臣編纂

大清一統志斯卽古者命太

師陳詩以觀民風命市納

價以觀民之好惡省察其

俗之得失而範圍于禮樂

法度之中所以一道德而

同風俗也而車書王會之

永州府志

序

五

廣幅幘戶口之盛經制典

章文物之備亦若覽禹貢

周官而燦然在目犁然有

當于心固已非尋常採輯

之所可及矣顧一統志藏

于

內府未易仰觀通志卷帙浩

繁且載各郡邑事蹟或撮

永州府志 序

六

要而未詳則府志尤不可

以暫已乃永之有志先成

于康熙九年爲知府劉道

著所修旋遭吳逆之變燬

于兵燹僅有存者亦殘缺

失次二十九年蓋平姜君

來守是邦三年報政之期

爰率其僚屬廣搜博考參

永州府志 序

七

訂會萃爲志凡二十四卷

爲目凡三十于天地形勝

賦役風俗官師人物食貨

藝文之屬網羅放失舊聞

斟酌勸戒其用心可謂勤
矣刻成而乞弁言于余乃
序而告之曰太守古之諸
侯奉宣條教千里之內父

永州府志 序

八

母師帥之道在焉姜君其
欲有所施于一方以化民
成俗里仁處義斯不負

聖天子建官維賢之至意乎抑

徒誇博麗而備稽考遵

功令而飾文治也如以誇博
而飾文則斯志亦旣彬彬
其有合矣若有施于民而

永州府志 序

九

臻上理無若子周子之論
聖以誠爲本論聖可學以
無欲爲要元次山之自箴
以仁讓清介忠直方正爲

竊惟本之以誠而守之以
無欲造乎仁讓清介忠直
方正之域而弛張隨時舉
措各當于以取法于漢召

永州府志 序

十。

信臣唐元結陽城薛伯高

柳宗元宋寇準胡安國父

子諸公之間以爲

本朝循吏之續則余有厚望焉

范忠宣曰吏事近民精心
于此學之要也可不勉哉
爰爲之書其端兼以告後
之爲政者云

永州府志 序

十一。

嘗

康熙三十四年歲次乙亥

季冬穀旦

總督湖廣等處地方軍務

兼理糧餉兵部右侍郎

兼都察院右副都御史

沁州吳璵題於武昌公

署

永州府志 序

十二



永州府志敘

楚之所屬十五府永州爲

極邊界百粵接五嶺九疑

在望當季重華帝子存神

永州府志

序

過化之鄉人多好修而重

犯法士大夫之宦遊者亦

往往砥礪廉隅不爲矯飾

往予巡撫湖南其於吏治

民生激揚勸懲曾不假

惟永陽一郡訟獄衰止貢

賦以時官無追呼之擾民

有樂利之休暨予總制全

楚駐節武昌去永幾數千

里而采風益厚報政無愆

事簡民淳號稱易治古人

信不我欺也癸酉冬郡大

夫姜太守以所修郡志來

上予時一展讀見其詳而

有要質而不纖寓褒貶於

微言寄美刺於載筆用意

忠厚而非市好以沽名立

法謹嚴要惟鑒古而垂則

其於良牧循吏忠臣孝子

之篇尤惓惓三致意焉予

知太守之爲此也蓋欲反
吏治於古初厯民生於衽
席不僅爲紙上之空言往
事之簿籍而已也抑予聞
之濂溪周夫子理學大賢
永之所產也元次山水部
永之名宦也方今

豈弟作人惠養元元

慎簡有位進退抑揚之典
皎如星日凜若冰霜問今
之生斯土者曾有如先賢
大儒窺聖賢之域而副
宣室之問者乎今之官斯土
者曾有粲粲欣欣如少陵
諸公之追和而慰

夢卜之求者乎異日執筆諸

君子大書特書洋洋灑灑
熙朝風化之清穆駕三代而
軼漢唐也詎不權輿於此
哉

永州府志

序

六

康熙三十有三年歲次甲

戌春王二月吉

欽賜進士第總督湖廣等處地

方提督軍務兼理糧餉兵

部右侍郎兼都察院右副
都御史加五級丁思孔謨



永州府志

序

七

永州府志序

欽惟

聖天子御極以來右文敷教百

度維新

永州府志

序一

特詔天下郡國咸修志乘以備

通志採擇惟時郡國各徵

名儒生考稽舊聞編輯成

書邑上之郡郡上之省分

疆定界蒼萃搜討罔或漏

遺彙而上之秩宗

天子迺命諸儒臣分掌厥任用

成

永州府志

序二

大清一統志彰無外之模

而成不朽之業煌煌乎甚

盛事也壬申冬予奉

恩命撫楚人其疆首覽輿圖披

閱省志乃知楚地延袤六

千里而遙西黔中巫郡東

夏州海陽南洞庭蒼梧北

涇塞郇陽雖歷代沿革分

永州府志

序三

隸不一大約不離楚域者

近是惟大湖南北幅員既

廣

本朝以兩中丞分治鄂渚星

沙而以一制府統轄之郡

邑雖分而省志則一以示

不失楚舊服云永之爲郡

列地千里介在南陲山川

永州府志

序四

奇秀形勝險阻控百粵三

湘扼九疑五嶺人無爭訟

俗尚韶歌家嫺禮義而化

易孚地足漁樵而人樂業